

摘藻堂四庫全書薈要

史部

欽定四庫全書薈要

史部

硃批諭旨卷八十七

詳校官編修臣繆晉

欽定四庫全書薈要卷七千九百八十五

史部

硃批諭旨卷八十七

硃批蔡珽奏摺

四川巡撫

臣

蔡珽謹

奏十二月十二日

臣

在成都叩接

大行皇帝遺詔痛深五內欽惟

皇上盛德在躬當陽正位

聖明天縱巨細緩急萬無不協但

臣

寸草微忱不能自

已謹就愚慮所及者冒昧上陳我

皇上至孝性成際此大事必然痛慕太過但

皇

考聖恩周極悲傷每不能已朕躬所繫非輕寧不自惜

聖躬所關甚鉅萬祈節哀上以安

時亦勉為忍痛節哀也爾不必過慮中外平安景象皆

大

行皇帝在天之心下以慰天下臣民之望至八旗之人

賴我

皇

考六十年來股肱然近居肘腋繁多不齊俱宜令其心安

為最要自軍興以來諸凡俱在

嘉之但八旗之人繁多不齊宜令其心安之語誤矣不

皇上洞鑒之中今似應但於何處酌留何兵若干使偵

但八旗即內外漢人蒙古受

探可及援應足供可矣兵以有大事而撤名正言

皇考六十年深仁厚澤朕即庸愚無能天下臣工諒必追順此

感

皇上

皇考之

設法

為安

其志

皇考

奏

兵非喜功好大無故興戎也即朕無能汝等大臣當諫

以至孝而行至仁而亦安八旗人心之一大端也  
恩德自容朕之不逮匡扶協贊以助之也若令朕  
至於藏內經逆寇策凌敦多布蹂躪之後恨賊實  
以安人心朕實之此伎倆亦不屑為之若以撤兵  
深彼必不更踰萬里重入仇地以取勝也明矣似  
人心之一端更屬謬論準噶爾賊人之狡猾強梗  
無容勞我師且孤師遠駐未必能事事相安倘日  
決不肯安分  
久之後畧有小疵反大費籌畫矣為此謹  
徹其微費十數年苦衷不得已命將出師是乃應

朕勉強從事以繼

皇考未竟之志今朕初登大寶突然孟浪撤兵若如此將  
以

皇考舉行此事為非乎倘賊人見我忽然撤兵以為內地  
必有事故乘隙跳梁將何捍禦汝此奏朕不解汝具何  
心曾識見甚屬褊淺西藏之說正在此與廷臣計議汝  
不必為朕過慮朕生平不用權術惟以誠對

天以誠接物諒賴

上天垂佑

皇考遺惠可望相安朕秉性只知畏

天從不解畏人放心放心

覽

四川巡撫

臣

蔡珽謹

奏為恭懇

聖恩簡員預發以備補用事竊查川省地方遼濶道府  
州縣等官每至缺出委員兼攝道途往返經旬浹

月不無顧此失彼之慮兼以辦運軍需正在需人  
仰懇

皇上敕部於候補候選人員中揀選道府三四員知州  
十餘員知縣一二十員立限到川遇有奉差者即  
令署理遇有離任者即准

題補庶任用不患無人事務不致叢脞矣為此謹  
奏

覽此預發人員之奏似與邊省地方有益雲南亦當如



是著吏部會同總理事務王大臣於翰林院編檢庶吉士及卓異行取留京候缺并候補候選各項人員內揀選每省道府四員州縣二十員速發與該督撫以備委署題補之用特諭

四川巡撫臣蔡珽謹

奏為請

旨事竊川省需員臣已具摺請

敕揀選候補候選等官臣亦有素所知者數人懇請

皇上發川補用戶部郎中謝旻為人和平辦事勤慎堪

早已簡用矣

馬汝為

馬汝

以道員用今四川現有永寧道缺可否即授為永

寧道候補大理寺寺副馬汝為人明白辦事好堪

以道府用今四川現有順慶府缺可否即授為順

慶府知府候補同知王坤為人勤愿曾進藏效力

滇南

議敘以應陞之缺即用請以知府同知用現任雲

各省

現任官請調之說俱不可行

現任廣東臨高縣知縣盧生甫才守俱好請以緊

要州縣用以上五人臣緣需人起見不敢避嫌如蒙

俞允伏乞

敕部施行謹

奏

覽

四川巡撫臣蔡珽謹

奏為恭讀

聖訓惶愧無地事竊臣齎摺家人回川奉有

硃批臣跪讀之下仰見我

皇上智慮淵深無微不至臣之管見實不能仰窺於萬

一但臣因愛

君愚誠將一得之迂見入

告今恭奉

硃批煌煌天語備悉周詳無一不在

聖明洞鑒之中臣如夢方覺深知才識短淺不明大體

前奏甚屬孟浪

臣

本下質庸愚實實愧赧無地自

容易勝惶悚之至謹

奏

愧赧惶悚皆可不必君臣之間無不可以言者若少涉私心為恐嚇之舉則不可也戲諭

四川巡撫

臣

蔡珽謹

奏為恭懇

聖恩給員辦理工程事竊查松潘口外羊崗新撫生番

三十一寨

臣

准提督岳鍾琪咨稱應於適中要隘

之地建城一座左右數十里內各立關隘一所又

准部咨於打箭爐之外中渡河口建城一座其城

垣關隘官廨營房俱應酌量建造但此項工費浩

繁川省用兵之際需費正多不便支動正項錢糧

仰懇

聖恩於應罰令當差之員或發一二員或發二三員令其效力修建費既有出而工可速成於邊防大有

裨益伏乞

皇上睿鑒施行謹

奏

所請不合況亦無罰令當差之員其城垣關隘等工動  
正項錢糧修建可也應如何蓋造作何估計之處與年  
羹堯商酌一定速為舉行

四川巡撫

臣

蔡珽謹

奏為恭請

陛見祇領

聖訓事竊

臣

自揣愚昧濫叨巡撫重任識短才疎時深

恐懼四川為邊要之區一切事宜非面陳

天聽不能詳悉非親受

聖訓罔所遵循伏乞

皇上俯鑒下衷俾得輕騎來京恭請

聖示庶

臣

心得盡而地方事務或可無大誤矣為此激

切具摺謹



奏

汝不必來京諸事與年羹堯悉心商酌而行亦不致有  
錯誤也

四川巡撫

臣

蔡珽提督

臣

岳鍾琪謹

奏為據咨敬陳管見恭請

睿裁事本年三月二十七日准署定西將軍公

臣

策旺

諾爾布密咨據台吉諾彥哈什哈寄書云西海大  
小諾彥於會盟之時密謀遣使伺策妄阿拉布坦

欲仍尋舊好等語隨經該將軍具摺密

奏知會到

臣臣

等伏思西海人心誠不可深信但羅

卜藏丹津則實庸劣西海台吉皆人各懷私自相

疑忌亦不能一心始終況策凌敦多布師敗逃歸

大損人畜縱令羅卜藏丹津等果差人前往

臣等

料策妄阿拉布坦亦不過與結和好聯絡羈縻之

而已諒未必肯復來西藏也夫安不忘危乃有國

之常事

臣

等職任邊疆無日不密飭沿邊營汛整

飭防備并令人前往西海一帶部落暗行偵探如  
果有逆舉俟其形迹彰著之日恭請

天討仰仗

聖主仁威料亦不難於撲滅此時似無庸遽滋他議

臣

等為此會同具摺謹

奏

所奏甚合機宜朕已備悉其情狀前於奏到時曾有旨  
矣爾等再明白向年羹堯知會公同商酌相機而行可

也

四川巡撫

臣

蔡珽謹

奏為請

旨事

臣

前接部文成都府知府劉世奇陞補甘肅按察

使今又接部文甘州府知府彭振翼陞補四川按

察使竊思川陝兩省現在有事之秋今兩人既皆

係賢能之員所陞又同是臬司

臣

之愚見莫若一

為轉移劉世奇久為四川首府即補四川彭振翼

係現任甘肅之員即補甘肅則駕輕就熟於地方  
大有裨益矣如果臣言可採伏乞

皇上敕部施行為此謹

奏

劉世奇彭振翼二人著照蔡珽所奏調補

四川巡撫

臣

蔡珽謹

奏為奏明事

臣

准督

臣

年羹堯密咨因駐劄西寧之

侍郎常壽所奏面奉

聖旨命密咨四川提督帶兵二千前往松潘其一切兵

馬錢糧等事令

臣

速為料理到

臣

隨經提

臣

岳鍾

琪咨請照例支借需用各項錢糧經

臣

於司庫支

給移交提臣外獨是松潘素不產米且山路崎嶇

裹運維艱查督

臣

年羹堯曾有捐買支存之米及

青稞堆貯松倉可照折色給本色支用餘容

臣

與

年羹堯商酌妥確再行奏

聞謹

奏

知道了此係年羹堯在京之時朕密降諭旨交伊之事  
並未經部議今一切兵馬糧餉等項例應具題者皆與  
年羹堯商量妥確然後舉行

四川巡撫臣蔡珽謹

奏為恭懇

聖慈事竊臣素受

主知感

恩最切當

聖主宵旰之時正微臣圖報之日無如臣素稟陰虛鬚

不妨

此不過微疾耳

見性

早見白常患怔忡昨四月間忽又患目疾視物皆

兩心中愈急則疾愈甚臣向日留心醫道自知此

急甚麼

疾必須靜養尚可望愈奈巡撫一官事繁任重而

天下

皆然但四川適當多事之時耳

現在

四川尤非他省可比伏乞

皇上

天恩准臣解任回京調養大約年餘必可復元仍

重況

川省界連西海正值軍興之際於斯尚不力圖報

能效犬馬之力惟望



效又安望於他日耶汝既欲解任調養當與年羹堯會  
聖慈垂憫

商若得可以勝任之人汝二人公同奏聞朕再為斟酌  
恩准敕部施行為此激切具摺謹

奏

代爾兄完補虧空一摺已發部議矣

四川巡撫臣蔡珽謹

奏臣前接年羹堯密咨即經具摺今提督岳鍾琪已

出松潘兵馬錢糧之事俱料理無誤西海人心不

定傳言不一其裡塘等處臣亦會商年羹堯岳鍾

琪已令總兵周瑛暫駐師其地相機而行無事則已有事則仰仗

聖主之威福協力撲滅

臣

近見周瑛所報口外之事心

甚深細料理俱好至四川今年稻已栽完栽秧時各處幸俱得雨皆云可望大豐為此謹

奏

所奏已悉一切機務俱遵照年羹堯轉傳諭旨凜奉而行毋得絲毫另立意見彼此齟齬互相掣肘或致有誤

事宜慎之

四川巡撫

臣

蔡珽謹

奏為預籌庫項事竊查川省每年所徵正雜錢糧應解司庫者實計三十三萬兩有零而每年所需湊漢兵餉俸工驛站等項約一百萬兩是撥給於外省者多川省現今用兵之際需用甚繁外省協餉每不能如期而至以按月支放之需待外省無期之餉司庫無儲所關非小伏思

朝廷庫帑貯之各省與貯之川省無異撥於來歲與撥於今歲無殊而貯川以預邊儲預撥以備支用實係急需不可緩待仰懇

皇上敕部除每年應撥之外再將鄰近省分銀兩預撥一年餉銀迅令剋期到川倘有動用之處一面報部一面支用如事定無動支之項仍留充下年兵餉則庫項有儲緩急可恃而軍需不患無備矣為此謹

奏

於爾未奏之前已有旨矣凡如此等先事預籌之舉與  
年羹堯會商妥議再行具奏庶無錯謬

四川巡撫

臣蔡珽謹

奏四川今歲收成成都松潘邛州雅州嘉定眉州等  
處俱有十分保寧敘州馬湖遵義東川瀘州等處  
亦有八分龍安有七分潼川微旱然亦有六分惟  
順慶夔州重慶三府屬秋旱米價亦貴市石每石

至二兩餘幸俱通江路臣現在細查相機設法料

理再臣目疾因近日服藥去痰較前稍愈理合一

併奏

聞謹

奏

覽奏重慶等三府款收潼川亦不成熟據此被旱地方甚廣亟當修省吏治慎勿泄泄視之年羹堯撫川十餘年未聞米價貴至於此況川陝今正在用兵之際爾於

一切正務其小心兢惕毋忽倘有失悞推託病患不能  
逃責也如智力所不逮之事虛懷諮詢年羹堯而行之

四川巡撫

臣

蔡珽謹

奏護軍統領那秦到川口宣

諭旨戒飭嚴切

臣

跪聆之下踧踖無地伏念

臣

一介下

愚罪譴日積蒙

聖恩不即處分尚

賜訓誡且令

臣

事事與年羹堯商議而行俾

臣

得所遵

依仰沐

鴻慈直同覆載臣惟有恐懼感激恪守

恩訓日凜

天威於咫尺耳謹

奏

若不小心翼翼克勤克慎以服勞盡瘁恐終不免於隕越之虞也

四川巡撫臣蔡珽謹



奏為奏明事臣前因重慶夔州順慶等府秋旱曾經

繕摺具

奏隨一面委員查看並行附近豐收州縣各令商民  
載米前往貿易復自行買米減價平糶今幸查此  
三屬俱不成災且秋蕎頗茂十月可收而米船驟  
集米價亦平民人並無失所為此謹

奏

據奏三府既不成災米價又復平減大慰朕懷

四川巡撫

臣

蔡珽謹

奏十月二十三日接到

硃批

臣

前奏年歲收成一摺以川中有事之秋上厯

聖念當

皇上宵旰之時

臣

斷不敢存絲毫推諉之意上負

聖主高厚之恩今跪接

上諭三道仰見

聖心憂民之切

臣

俱實力奉行惟社倉一事其利甚溥

朕原論不合創始於數歲也  
而其行甚難當俟大豐之年令州縣中居官好而  
若存實力奉行之心此語是矣若徒為紙上空言以相  
搪塞亦見信於民者一二人也先試行之事以緩集不敢期  
效於速也再此摺距前次摺未及一月是以不  
妄誕之至更請

安一併奏

聞謹

奏

覽

四川巡撫臣蔡珽謹

奏為請留道員以濟軍務事該臣看得松潘一路大

兵糧餉經臣委松茂道孟以恂總理今伊母馬氏

病故例應離任丁艱但思軍務關係甚重值此需

人孔殷之候臣與總督年羹堯共商仰懇

聖恩准令該道在任守制則於軍務實有裨益矣如果

芻蕘可採伏乞

皇上敕部施行謹

奏

孟以恂著在任守制該部知道

四川巡撫

臣

蔡珽謹

奏為奏

聞事竊思羅卜藏丹津負

恩叛逆凡西寧及四川各處俱有勝兵且賊已敗奔惟

慮其遠遁入西藏故總兵周瑛奉調兼程入藏以

截殺之今臣接周瑛咨稱我兵已於雍正元年十

二月十八日抵藏貝子噶隆等已遣公隆巴乃帶  
兵前往哈喇烏蘇把守要隘並挑派唐古特兵馬  
一萬聽候調遣如羅卜藏丹津逃竄至藏即鼓勵  
兵番合力擒殺等語伏思我兵既已到藏藏內人  
心又忠誠歸附如此必獲全勝為此具摺謹

奏

我兵抵藏已據周瑛奏報矣汝所料理亦屬可嘉

領侍衛內大臣公

臣

馬爾賽兵部尚書左都御史

臣  
蔡珽謹

奏為請

旨事臣等於初八日起程十一日到保定臣等面問李維鈞你做直隸總督年羹堯在保定城內置房產藏財物你豈有不知如何不奏呢據供從前因未奉

旨查他的家產所以不曾奏既奉

旨之後就奏了其箱籠等項初時尚不敢開查後又請

旨方敢開箱查記並無隱瞞等語藩司羅密供查魏之輝家私時曾搜出書一包總督不與我們看自己看了一兩封就令封起裝入箱子內了後與我的冊子上並無此書信我因令府縣添著開上我與按察使去開箱同看都是魏家親戚的家書但從前不與我看知道這書子是真是假呢總督於抄家之後又與魏家三四百兩銀子等語臣等將書信不公同藩臬開看復不行登記並不奏



聞情由暨為何給魏家銀兩之處訊問李維鈞據供銀子三百餘兩因年家的人一百餘口籍沒之後無以度日所以給他們為日用之費的我因書信是魏家親戚的所以不曾奏這是我疎忽之罪冊上不曾開想是遺落了這也是我疎漏之罪等語據此李維鈞身為總督年羹堯家財現在省城之內乃並不參奏及奉

旨行查始抄沒家產又不將書信登記且不公同藩臬

開看情殊可惡臣等謹將總督卬信摘至公所李

維鈞亦暫行羈候敬遣侍衛松艾齎摺請

旨伏候

批示遵行謹

奏

所奏明悉料理甚屬公當知道了已有旨矣

兵部尚書左都御史都統臣蔡珽謹

奏本月十九日臣接到部文奉

旨命臣署理直隸總督印務欽此欽遵除將李維鈞交  
付公馬爾賽帶領赴京外臣擇於二十五日入署  
辦事至期具疏謝

恩此數日內所有要緊事件臣即先行辦理不敢有悞  
光景過於忠厚不解事機

再羅密為人甚魯鈍而語甚笨拙既將李維鈞羈  
候恐羅密出去別生事端是以即令其看守李維

甚當

鈞不致另生別事今李維鈞已出城赴京兵民安

奇

靜之至合行一併奏

聞謹

奏

知道了賑饑之事乃目下第一要務朕日前備籌救濟之法思及河間靜海等州縣城垣有應葺理者查十數處發十數萬帑金以修築之窮黎借此可以瀟工餬口亦寓賑之一善策也現命該部揀選人員隨即發往各州縣會同地方官查勘估計諭旨到日爾其嚴飭該屬盡心竭力以任其事特諭

兵部尚書左都御史都統臣蔡珽謹

奏二十二日齎摺人回蒙

恩賜臣鮮棗葡萄臣叩頭敬領訖謹此恭謝

天恩再松茂道孟以恂十八日過保定臣問其川中之

事云添稅是實今已裁革矣至復知府衙門糧規亦實有其事成都府為甚謹

奏

已據孟以恂面奏矣朕觀其品質不過中平或恐是一

殘忍之人向日存心有陰刻處否雖非棄材亦非大器也

兵部尚書左都御史都統臣蔡珽謹

奏順天河間保定等府被水之區蒙

皇上俯念窮黎

特諭賑恤

臣

面詢李維鈞據云曾經摺奏賑恤一月已

蒙

恩准現在委員各處分賑

臣

令兩司確查務使均沾實

惠今跪捧

硃批諭旨朕備籌救濟之法思及河間靜海等州縣城垣有應行葺理者查十數處發十數萬帑金以修築之窮黎借此可以傭工餬口欽此仰見

聖猷遠及憂勤周到

臣

自當遵

旨嚴飭屬員盡心任事目下省城米價騰貴

臣

今即令

臬司浦文焯帶腳價銀兩至天津將截留漕米星速運三萬石其二萬石直至省城平糶一萬石量

留沿途被水州縣以救目前之急伏候

指示謹

奏

此舉是已有諭矣

兵部尚書左都御史都統

臣

蔡珽謹

奏直隸總督衙門有來往清字文書稿冊

臣

謹將隨

臣來之筆帖式溫普馮傑英留辦翻譯為此請

旨謹



奏

溫普馮傑英照所請留用覽奏賑恤之摺已悉爾意但  
截留之米因天津去年修建之倉廩潮濕不堪難以收  
貯今已另議矣朕又特諭將通倉變色米命減價平糶  
四五十萬石茲爾既著浦文焯赴津請運米三萬石候  
朕飭部臣與倉場督臣議定當作何發與浦文焯之處  
另有諭旨也爾摺亦一併發交該部

署直隸總督

臣

蔡珽謹

奏布政司羅密非外吏才適見邸抄

聖明先已洞鑒將伊調回令德明署事但思藩司為通  
省首領諸事總會之衙門無事時未經外吏者尚  
可為之今直隸現在賑濟必得曾為外吏曉事之  
人方能勝任伏懇

聖慈或將孟以恂或御史張廷棟令其辦理賑恤之事  
并令協助德明數月於地方事既有裨益而臣亦  
得收臂指之效矣謹

奏

已有旨命余旬蔡起俊領通倉米數萬石運往天津二人即聽爾調委於賑濟事務處協助給散矣覽此奏可謂君臣不約而同朕甚嘉悅

署直隸總督

臣

蔡珽謹

奏賑恤一事深厯

聖心臣目下催查戶口雖尚未送到然以臣所聞者計

之大小口配搭約計大口一百萬每日每人三合

每月即需米十萬石今河南小米截二十萬石余  
旬蔡起俊運通倉米十萬石海運關東米十萬石  
共四十萬石若奉

旨准令李維鈞運南四府米二十萬石則今冬明春似  
可足用今冬既無工作則賑而不糶明春有工作  
民有傭工之錢則多糶而少賑似可有濟若蒙

上天鑒

皇上愛民之若衷明春麥收則小民安全而

聖主宵旰之憂可釋矣謹

奏

所奏俱悉至於李維鈞運南四府米之說俟朕再為斟酌定其可否

署直隸總督

臣

蔡珽謹

奏為奏明事竊查戶部侍郎蔣廷錫條奏水利五款內一欸係廣平縣之南至冠縣之西有池溝一道若於此處因淺加深因狹加廣可復引漳濟衛之

利并置閘座以時啓閉於衛河運道甚有裨益奉  
旨遣學士何國宗等五員會同督臣看閱詳議具奏又  
何國宗等面奉

訓旨倘總督有緊要事務或稍候數日或往就會議勿  
致貽誤地方欽此經前督臣李維鈞准工部咨會欽  
遵在案今臣奉

命署理直隸總督印務自當遵

旨會同

欽差看閱詳議但現有賑災截漕等事俱關緊要不克親往伏查前項河道係大名道所轄之區臣特委該道趙國麟隨同看閱俟看明之日臣即會同

欽差詳議

奏覆為此謹

奏

是爾可以不必親往況爾初到地方諸務紛紜其河道形勢又未獲周悉應如所奏行

署直隸總督臣蔡珽謹

奏竊查李維鈞所奏被水州縣只三十餘處今續報到者已共九十七處有應緩徵者即先批令緩徵俟查明被災分數照例題報其應徵者再行補徵總期被災窮黎均沾實惠而胥役棍徒不得藉端好

冒領再被水州縣明春有城工而今冬則無可恃仰懇

聖恩於今年冬季加賑三月其本處被水而離修城之



所奏甚是已有旨矣

地遠者明春亦應賑濟再此地人不願食通倉成色米因大半是灰土米又不堅俱願食新漕米現

在南來漕米仍懇

仍諭截留十七萬石分貯各州縣以備賑糶爾其遴委恩截留此間人尤喜食高粱小米若關東米由海運者屬員前往速行料理

今冬能到天津賑濟者賑濟平糶者平糶則米穀

充盈民享樂利矣再天津所蓋倉廩潮濕查六十年天津無倉乃係分貯沿河州縣今莫若仍照前例分貯將來賑糶更便至州縣虧空若遇年饑

賑糶以無為有以少報多官有賑糶之名民無實

此說可謂有利無弊但煩難事也  
在之惠將來之賑糶只用所截之米及關東之米

則可無此弊其被水地方民有逃亡之憂則道途

中當亦必有誘哄竊奪之事臣已嚴行文武官令

之著

不時巡察再德明到省傳

旨禁止燒鍋臣謹即遵行以上事宜有候

旨批示者有恐厪

聖慮而奏

聞者統祈

睿鑒謹

奏

所奏各款俱悉

署直隸總督

臣

蔡珽謹

奏竊查直隸虧空趙宏燮實為罪魁李維鈞一味蓋掩不肯令敗露清苑縣無倉穀一事

臣

前曾摺奏

今保定知府葛斗南虧空倉穀五千石求李維鈞

令新任知府溫儀出結竟赴鹽道任及聞

臣署事

方星速遣人前來清楚已完二千五百石其未完  
二千五百石持銀二千五百兩與溫儀求算為米  
穀似此之類者不少如永清縣如河間府之交代  
比比皆然若令俱將銀買米交倉恐米價驟增非  
目下荒歉時所宜籌之固不可少緩而繩之又不可  
太驟

臣

思如遇此等事察其罪雖應問而情尚

可原新任官如肯擔承者准其以米一石作銀一

兩令其具詳據實聲明限至次年秋收必令買米  
實倉若至期不將倉米補足則必嚴叅李紱實心  
任事必能踵臣之所行一二年之後此等倉穀庶  
能足而緩急方可恃矣可否如是伏候

批示遵行謹

奏

情法兼盡公私無礙隨宜濟時當如是也

署直隸總督臣蔡珽謹

奏竊查賑濟之事官有怠玩吏多狡猾兼有劣衿積

棍俱思染指

臣

以不出保定城之一身日與此諸

因李維鈞

之敗露始命爾往接署督篆

爾為朕所信

人相角實覺心力俱困仰賴

任事無疑

阻朕復多方助爾不逮始得如此一番整理

皇上洪恩發粟截漕修城修堤差員發人種種

其中無乃奇緣所係豈偶然哉朕實仰感

仁政今規模已定十之八九矣目下雖尚未開賑而民

祖在天之靈有以默佑之耳諸凡莫之為而為似非人

情感切咸云向雖聞

力之所可主持者朕於慶幸之際不覺輒生凜畏之心

皇上仁慈聖明不意憂勤施濟竟至於如此也

臣聽聞

之下見

也

聖天子與田野小民至誠感應呼吸俱通若此欣喜之  
他人如此奏朕見如不見奏出於爾朕實愉悅  
極至於泣下又思

聖念甚殷民情既切臣職在奉

上撫下實日夜憂懼恐上負

主恩下慚民望乃蒙

殊批獎勵尤所難當今歲水甚大民堤之衝決臣所知

者三十二處目下只有二處報完茲蒙

聖慈令動正項為民修築臣謹即飛飭地方官矣  
臣又

所見聞蘇家橋等處堤工頗大臣已遣大名府知府曾

逢聖往查若果堤工浩大則築堤更勝於修城也

衝決諸民堤除現在徧行查勘外就臣所知所聞  
者先行繕摺謹

奏

覽

署直隸總督臣蔡珽謹

奏前肅寧縣賑濟遲誤臣業已



題叅今又訪得霸州高陽亦未賑濟霸州知州因往

天津署印現有詳文聲明尚為可原高陽縣知縣

則並不賑濟且將倉糧虧空臣是以又具疏特叅

懲

以儆衆現在察詢自然有旨范宏偲已於七月十四日奉

旨革職合併奏

聞謹

奏

川省武弁中有為年羹堯之用人曾過繼伊子者不知

是副將或係叅將其姓名朕亦忘之矣爾如記起錄出奏聞此人行為何以至今尚未見各處奏報耶

署直隸總督臣蔡珽謹

奏齎摺人回蒙

恩賜臣風乾羊肉

臣

謹叩首祇領訖

臣

見部文以天津

新倉潮濕令李維鈞賠修前據李維鈞云南四府

不虧空

臣

思莫若即令李維鈞將南四府之米罰

其自備腳價運二十萬石至被荒之地明春賑糶

尤為有益也前者省城米價驟長今聞

聖恩准令浦文焯即運米來平糶民心感悅米價亦漸減矣謹

奏

知道了前因照爾所請業諭截留漕米二十萬石可分貯各州縣矣

署直隸總督臣蔡珽謹

奏竊查直隸賑糶等事需員稽查而現任州縣等官

各有職守殊乏可以調遣之員且恐伊等向係同官或有互相徇隱之弊臣今將賑糶等事委令武員稽查再有發來料估城工之十三人亦求

聖恩令協助查賑伊等與地方官向無交手自然從公者多且三冬查賑之後明春修城伊等亦得先熟知地方之情勢也謹

奏

此番揀選人員惟皆取其誠實者發往內恐有迂拙而

短於才者俟伊等回京朕再加甄別降旨交發與汝於查賑處酌量委用

署直隸總督臣蔡珽謹

奏保定府所拘禁魏之輝家人有保定之民而為其雇工者男女大小四名毫無干涉俱一同被拘甚

屬可憫

臣謹請

理應從寬省釋  
旨准其釋放則無罪之民實感

聖恩於再造又順德府知府范宏猷聞得操守廉做官

好百姓感戴今緣事罷職因保留新例甚嚴民不

敢請而望伊留任之心甚切若得蒙

爾即無此奏朕亦必令留任此人天生是一郡守之才  
特恩留任則小民益仰  
晉階則非其所能耳  
聖明於無既矣謹

奏

覽

署直隸總督臣蔡珽謹

奏臣聞目今天津之船甚少而河至小雪即凍河凍

後輓運甚難蒙

聖恩所發米三十萬石今冬或未必能全到南四府運

南四府運米之說屢據爾奏請朕細思南四府今歲被  
災雖少輕亦非豐收之年運米之舉可以不必  
降旨趁此時河未凍也又查趙宏燮家人賈大曾云

捐銀六萬於永定河實有四萬零四百兩現在藩

庫既非正項又不銷算此項銀兩亦可持往大名  
此項所糴之米運來時即照原價平糴為是  
府買米運來為賑糴之用又今秋寶坻豐潤武清

任邱新安鹽山等處原議查丈馬廠目下甫經被

水正官忙民歎之時查丈實可緩至明秋均望

聖恩批示謹

奏

查丈馬廠一事俟朕與怡親王及塞德商酌後再定朕  
思丈量之時地方有司不過分委數員即可足用豈有  
多需官員之處乎去歲係霸昌道卞之銓經營其事今  
若差員來查丈時可仍舊委伊經管倘竟行停止則不  
待言矣



署直隸總督臣蔡珽謹

奏齎摺人回蒙

賜哈密瓜臣叩首謝

恩祇領訖大名副將李枝英

臣命重錄進上

已嚴飭之其居官如何

之處容臣訪的再行具奏賑糶之事臣日夜思維

定為十四款謹呈

御覽求

指示可否將來散賑官各給一張並出告示貼所賑之

地庶或有少益也賈大所捐銀六萬兩只交四萬

朕思其中或有別故

其二萬兩借稱往江南變產遂一去不回今趙之

垣案內要此人對質臣已行文查拏此人去矣謹

奏

盛京運來之米已據奏報將次至天津矣

馬廠地畝今已停止其查文改期於明歲秋間再行差往也

賑濟條約

一地方官之侵冒斷難姑容也今歲直屬地方雨水過多田禾被淹民間乏食荷蒙

皇上發粟賑恤該地方官理應仰體

皇仁實力奉行如有藉端侵蝕浮冒開銷者一經察出  
侵冒為從來之積弊亟當嚴查  
白簡隨之

一胥役之漁利分肥所當盡法究處也賑濟窮民應按口授食乃有姦胥蠹役或混報有力或捏造詭名以救荒之善政供若輩之貪婪俾真正乏食

若不將此輩重繩以法是開幸災樂禍之端也  
窮民不能沾惠似此不法之徒必盡法嚴處不稍

寬貸

一衿棍把持亟宜剪除也各州縣多有一二惡劣  
紳衿出入公庭兼有土豪地棍互相倚賴遇有賑  
荒等事逼脅把持官吏受其挾制愚懦被其欺凌  
遂致焚焚小民竟有忍饑而莫訴者如密訪得實  
斷不寬宥其有貧儒寒士膏火無資者許教官查  
明會同地方官一體賑給以廣

好  
皇恩

一被水莊村民戶宜逐加查察也發粟救荒原以  
賑乏食之窮民若將力能自給者冒濫一名則真  
正乏食者即少沾一名之惠該地方官務須親詣  
村莊挨戶確查如有田地未盡淹及有貿易手藝  
可以謀食者不在應賑之例其有田禾被淹升斗  
不濫殊難無遺為尤難  
無資者務須按名賑恤勿致一夫失所

一查明應賑之民宜給以印票也各村莊應賑之

民衆多焉能人人而識之應按戶給以印票一張  
若果能照議通行誠屬良策凡遇賑濟皆當以此為準  
將其姓名并大小名口以及每月賑米若干悉註  
明於上候期赴領按票給米既可省查驗之煩更  
繩但恐滯礙不能通行耳試為之於面朕時備細奏知

可杜重冒之弊矣

一散賑窮民應照遠近分先後也如一境之內則  
有四鄉東西南北次第及之定以日期預為曉諭  
俾得按日候領其一鄉之村莊先散其遠次及其  
分別遠近以定先後當甚  
近則遠近各得其宜矣

一運到之倉糧當就水次領給也該地方官倉無  
貯米者業於截留南漕並撥運通倉米石分派領  
運以備需用但米至沿河必俟起卸入倉而後示  
期開賑既多輾轉輓運之繁更滋窮民守候之苦  
應於前七日曉諭散賑日期凡四五十里以內者  
前赴水次照數領回則腳價可省而民無待哺之  
虞如離水次甚遠者該地方官亦須隨地制宜酌  
量行之

是極

但須賢員實心料理耳

一現在之倉糧先應均勻散賑也各屬貯倉米穀有不敷賑給之數者或派運新倉之貯米或撥運隣近之倉糧接濟而補足之若以米未運到藉詞本倉之米不敷坐致稽遲必致有誤應將現在之米穀足賑若干日者先行逐戶均勻攤給俟撥運是極

總期地方有司據實無欺  
米至再為找領一先後間而民得早沾實惠矣

一造報之冊籍宜清查更正也賑濟災民原屬緊急奉文之初不及清查偶有或遺或濫之處不可



百凡以訛傳訛不可將錯就錯其有誤報於前者亟令  
留一悔過之地大利益事也  
詳明更正於後必為原宥免其深究也

一聞賑歸來之民當為續報也被水地方從前有  
覓食他鄉攜家出外者值此散賑之際必有歸來  
之民當按名造報一體賑濟再各州縣內有別屬  
窮民其本處現在散賑者即善為勸諭回籍領賑  
勿得竟為膜視也

好

一賑濟米數宜嚴查扣剋也夫賑給窮民原為餬

口之需乃有玩法胥役通同作弊扣剋侵漁該地方官務須親加查察如有升斗不符米數不足或攪灰灌水者立即於散賑處所盡法究治倘地方甚好

官不行覺察定以溺職嚴叅

一冬三月之米應作兩次給發也賑濟三箇月之米充九十日之饑若一次全給恐有無知之民到手花消竟歸烏有以致寒冬歲暮俯仰無資不若朕意作為三次給領更妙以三月之米分作兩次散給則不致有花消之事

矣

一領賑之村莊無容紊亂也散賑之法應按四鄉而一鄉之內則有各村莊若不預為派定則臨期必致混雜擁擠應每村與以紙旗一面上寫村名依次候領賑完一村再賑一村則各鄉村不致混雜擁擠矣

可謂

井井有法

一散賑之日宜稽查匪類也乏食窮民攜粟而歸恐有鼠竊狗偷之輩乘機搶奪亦未可定應於散

應如賑之日於所賑村莊文賑武查各司其事俾無搶奪之虞

逐款合宜速為如法行之再城工一事亦應嚴禁地方衿棍以杜絕包攬此散賑示文內當以遵奉上諭作起俾官吏實力奉行兼宜加意訪察為要

署直隸總督

臣

蔡珽謹

奏按察使浦文焯奉

旨同李維鈞拆蓋天津新倉但目下有查賑之事又積

有命盜案件且李維鈞現在天津拆倉浦文焯已  
差家人工匠在彼同拆況目下將凍只可拆卸必  
俟明春方可動工可否令浦文焯暫辦查賑明春  
再往天津恭請

批示謹

奏

凡事自當擇緊要者先之照爾所請留浦文焯辦理賑  
務

署直隸總督臣蔡珽謹

奏賑濟事宜規模全定將來小民之能實沾

實慰朕懷爾其勉從事皇恩看目下光景已先有五六分可必臣於十九日自

保定起程恭祝

萬壽合併奏

聞謹

奏

十九日起程前來似覺太早於二十七八日抵都恰當

其時將印篆隨身帶來仍可辦理任內一切文移十一月中旬朕躬親詣祭

陵留爾在京同怡親王及馬齊殷德料理諸務頗需時日於爾地方事件亦不致貽誤方為兩便

署直隸總督臣蔡珽謹

奏為請

旨事竊臣查得年羹堯資財藏寄保定者共箱匣厨櫃捆包等項四百三十一號俱有查造清冊又魏之

耀魏之輝等所貯玩器首飾紬緞衣服器皿等項  
共八十六號亦逐一造明細數又據易州冊報有  
年羹堯家人嚴二等存銀四千三百餘兩紬緞衣  
服首飾等物共六十五箱亦造送細冊臣曾親審  
刑訊伊等據供年羹堯之物在保定者止此其餘  
或在京中或在四川已為阿齊圖岳鍾琪等所封  
禁今魏之耀等俱已解部質審應聽部臣嚴審究  
追再據易州清苑安肅滿城完縣涿州昌平東安



武清玉田等州縣報到年羹堯房屋地畝臣核算  
共地二百九十七頃有奇房一千二十餘間應俟  
查齊之日分析造冊報部至魏之耀等產業已經  
封貯其家口應解送刑部交內務府奏請

知道了

聖裁再其白契典買使用之人頗多可否准予贖身有  
應如是發落此輩小人何罪之有爾酌量料理奏聞

聖主特恩仰祈

皇上批示遵行謹

奏

拉錫到杭據伊摺奏年羹堯之可惡處實為意想所不及真大奇事俟朕見爾時再備悉面諭爾知也伊等大  
約於十一月初三四抵京世間竟有不欲求生之人殊  
為可訝可怪之至

署直隸總督

臣

蔡珽謹

奏李枝英之摺

臣

前已一面嚴飭一面令其重錄進

偶爾遺忘無妨朕意當將朕所批諭發與伊看故有前  
呈而前奏摺內遺忘令其重錄一事不勝惶悚求

聖恩寬宥賈大捐銀一事彼見其主事事敗露因設計

捐銀又借稱變產實脫身遠避耳蒙

批必有別故真洞見其底裏矣直隸之提耗羨用俸工

一事不妥自然事事皆不妥也

雖亦有實用處然可疑處甚多

臣面見

皇上時再當細奏也賑濟十四條蒙

皇上批定臣謹以欽奉

上諭作起即令刻頒各州縣命其多行抄貼至將來應

賑者約計有六七十處

臣

意令余甸蔡起俊張廷

棟分爲三路德明浦文焯於近省城之處亦各分  
分派甚好朕若不發此數人前來爾即欲如此料理亦  
一路共爲五路每路各管六七州縣先賑迤東三  
不能也通暢之極  
十餘州縣畢再賑迤西三十餘州縣第二次亦如

殊爲允協  
之其派監修城工並發來候補人員及有調來之

各府廳等官則會同該州縣各管一處先後賑法

朕料

如前以上二條以日數奔走計之只可散兩次勢  
未及此  
不能三次也九十兩月猶有草子樹葉淺水魚鰕

天雖寒尚可耐荒年之最難禁者十一十二正月

也臣請於十一月散起正當其期二月間又有城  
可謂斟酌合宜

工接續實為妥便再修城之處於散賑時既給印

票至領米後即將印票上濃塗一筆仍與本人既

甚妙亦須奉行善可免重領之弊而明春修城凡有此票者即是領

賑貧民均許修工不待再查自無光棍包攬之弊

是即另降諭旨矣再玉田豐潤兩縣城亦坍塌似應一體再遣二

人估修以救明春之困再富家收糧臣目下不禁

收糧之家人所共知至明年春夏之交若有用處

既有此意密其米照原價稍增令得微利彼亦不怨也

臣又訪得州縣有因倉糧全無而竟不賑者有應

賑百餘村不分貧富只賑一二村者更有做小斗

此等劣員豈可一日姑容

小升剋扣者

臣當據實糾叅將來恐協賑者少求

聖恩諭吏部直隸州縣除因賑糶事被叅者容

臣以發

來之人題補外餘缺仍令照常補選但現有水災

照常補選

則凡今冬明春部選者亦俱令限十日到保定庶

數員來免致銓選參差

人可足用事不遲誤矣以上諸條敬呈

數員來免致銓選參差

御覽臣惟有始終不懈竭力實心督率之以求仰慰

此語何消奏及

皇上軫念民瘼之心而已然終不能知將來之賑果能

如意否也謹

奏

觀爾一切措置甚合朕意今冬明春無一鴈形鵠面之  
民流至京師方覺大為我君臣生色也各處堤工恐爾  
鞭長莫及所以遣石麟會同遂選前來協助積水若不  
預為設法瀉乾至明春仍恐束手無策計日未免已遲

朕因此甚為厯念

署直隸總督

臣

蔡珽謹

奏初四日保定府得雪

臣

細詢農人云地土甚濕不

慮蝗蝻可寬

聖懷也吳隆元一摺

臣

查議後另當具本奏

聞張廷棟詳議驛站一事

臣

已具本昨有天津州知州

陳雅琛以楊青驛遲誤公文因責打馬夫驛丞懷

恨遂揭知州擅騎驛馬

臣

聞陳雅琛人明白

做

官頗



好且騎馬亦只二三匹又非遠出只在本城是以  
且未題叅現在批司查審合行一併奏

聞謹

奏

赦小過舉賢才為政之體當如是也雖然查審之後方  
可定其有無情故耳

署直隸總督臣蔡珽謹

奏臣於初四日接永平府知府滿雲鵬詳稱喜峯口

未必

接之時照喜峯口公倉例以二成米色折足減糶

等語但米數果係若干米色實係幾成未敢即信

臣今定於十一日往天津查米往玉田豐潤永平等處查賑至永平之日臣親身到喜峯口實查米數確估成色一面請

旨一面令其平糶可否如是伏乞

批示遵行謹

奏

喜峯口何必親往若因順便或可一到然事關盤查非  
多需時日恐不能得其確實也

署直隸總督

臣蔡珽謹

奏靜海縣因前任知縣開報倉中有糧及至查之乃  
並無糧臣是以題叅現今藩司查其虧空數目而  
所運漕米不足用臣又令天津道運米六千石又

令布政司與銀七千兩折散今日方接到天津道  
一信云米因阻凍現用拖牀前運而河冰又厚薄  
不等有不能行處知縣新任毫不解事又兼有此  
故是以所賑甚不妥協今星飛遣人前往凡不妥  
處俱令補足臣到保定後將要緊案件三四日審  
完即親身前往再米少之處搭銀折放舊例銀一  
兩折米一石但目下米價貴臣意欲照市價折之  
庶有便於民相應請

旨批示謹

奏

據奏則新令亦係無能為之人也折價散賑固屬可行  
但當將原委題明著落捏報之知縣賠補如力不能完  
則著落失察徇隱之上司李維鈞等分賠汝須親往一  
看朕仍遣三人來助汝查覈

署直隸總督

臣

蔡珽謹

奏鑲紅旗漢軍候選縣丞張鍾雖品貌不揚語言遲

鈍然學問好頗諳吏治伊父兩任外官幕事皆伊  
辦理前曾捐往陝西效力年羹堯知係臣之親戚  
竟令閒住許久並不得效力咨遣回京昨八月方  
到張鍾昔年曾在

皇上處奔走效力難逃

聖鑒目下散賑需人可否發來辦事若果有勞績以何  
缺補用伏祈

聖明定奪謹

奏

從前張鍾何故往陝西去朕並不知現今諭部引見另有諭旨也此人向為朕所深悉甚屬老成忠厚即貌亦無不揚處原係劉琪薦入府內者至於劉琪乃一不堪匪類伊兄弟之間情如水火無怪其然

一大奇事茲特諭爾知初三日白晝突有一虎至齊化門外該地方報知步軍統領阿齊圖帶領新滿洲等前往擒捕而虎已伏於河畔葦草之內伊等因到時已晚

共執鎗蕪火而圍之守至夜半虎忽躍出南往自東便  
門登城從城上行至正陽門由馬道下城亦並未創艾  
一人遂直入年羹堯家蹲踞屋上阿齊圖復率領新滿  
洲等追至其家舉放鳥鎗虎始跳下避入年遐齡之花  
園中被新滿洲等用鎗戳斃世間有此奇事乎年羹堯  
正法之兆顯然矣

天道如此彰明顯示能不令人愈增凜畏朕實驚詫之至  
奇哉即攷之前代亦為罕聞之事也



朕於元年有夢虎之事不記曾向爾道及否日間刻無寧晷時夜漏下二鼓燈下隨筆所書莫晒字畫之醜率也

署直隸總督

臣

蔡珽謹

奏齎摺人回

臣

恭讀

諭旨虎入年羹堯之家此事真是奇極

臣

伏見

上天之慈佑

皇上事事指示明顯之至鍾愛實實至矣極矣

聖祖之付託

皇上上合

天心即此亦是一大徵驗平常之人有些微之善尚不肯

墮落廢棄

皇上得

眷既已若此自然益懋

聖德以仰承

此實朕之本心也

天庥而不負

聖祖此誠普天下之福也臣無任凜然駭異歡忭之至前

皇上曾向臣說元年有夢虎之事臣今雖記不甚明然

實曾有此

前夢朕經屢向人言  
旨今果應矣奇甚臣又恭讀

硃批修堤之事

聖心因稍遲而厯念此則不妨目下尚遍地皆水無可  
取土則先時尤難措手實不為遲臣細查此堤甚

長昔蒙

聖祖所言甚是更為詳細籌畫斟酌一定於萬壽前來京面命築民享樂利已三十年若今冬水退明春停堤內

奏

數處之城工但估修此堤勝於修城多矣臣又聞

未至

京中有包衣下千餘人闖入廉親王府中拆房搶

物漸不可長為首者自當正法餘人正可因此發

得

所奏與朕意相同自然如此發落此事允

關外開田人既衆多似應速結此案以安人心修

可惡處筆不能罄但毫無足慮朕自有一番處置

城平糶之事臣亦以欽奉

也

上諭作起各立條約數疑恐厯

聖念謹一併繕摺恭呈

御覽伏候

酌定謹

奏

條約甚詳悉允當於修工減糶等處張貼可也

署直隸總督臣蔡珽謹

奏初八日跪領

皇上發回二摺內臣請往喜峰口查驗倉米一事奉有

硃批恐盤查多需時日臣思得一法不必盤查而事自

安一日即能完但非臣親身到不可查永平到京  
有南北二路南路由豐潤玉田北路由遷安遵化  
喜峰口在遷安遵化之間既不甚遠由遵化一路  
查賑而歸實為至便也謹

奏

知道了近日窮黎流移至都中者頗多或為希冀朕恩  
而來亦未可定爾必飭令州縣各官多方撫輯使不至  
逃亡方好不然則無所底止也朕亦現在設法諭府尹

及司坊官等給資送回本土

署直隸總督臣蔡珽謹

奏臣於二十七日到保定此番途間見乞食之人凡  
十五六起問之有自山東來者有自河間等處來  
者其河間等處來之人咸云三月之賑已得目下  
河冰未開加賑之米未至是以出外總之冰開日  
米既到堤工一起民必歌樂土矣外有喬學尹一  
摺所叅祁州知州甚屬允當又吳隆元一摺分別

所查諸地方官之賢否除已經叅革者外其景州河間縣二處亦原屬不好理合一併奏

聞謹

奏

所奏俱悉近日來京就食者亦甚衆嗟此窮黎斃斃莫告朕現諭五城增米煮賑矣

署直隸總督臣蔡珽謹

奏為銀米兼收徵糧平糶以足民食事竊查賦從地



出江浙諸省有本色折色之分獨至直隸賦稅俱  
完地丁銀兩而不兼收米每於完糧之日小民必  
以粟易銀賤糶完納至春青黃不接又貴糶謀食  
雖是豐年亦多拮据一遇災荒便有流離瑣尾之  
苦臣仰體

皇上愛養元元至意再四思維合無請照江浙省銀米  
兼收成例將直隸額徵錢糧統計均作二分編為  
定額一分完銀一分完納麥米豆高粱其銀於開

徵日交納麥於五月交納米豆高粱於秋收後交  
納俟來春青黃不接之時令地方官將交納之糧  
務照定額所徵銀數平價糶賣所糶之銀即以解  
司解部定限四月內全完以地之所產徵之於民  
而民自易辦以官收之糧平糶於民而民食常足  
一轉移間

國課民生均為妥便為此繕摺具  
奏伏乞


皇上睿鑒

敕部議覆施行謹

奏

據奏銀米兼收國計民生兩益但百年成例一旦更張  
之非細事也俟爾回京面商可否

硃批諭旨卷八十七



總校官庶吉士臣侍朝

校對官編修臣莫瞻菴

謄錄監生臣李德

欽定四庫全書薈要

史部

硃批諭旨卷八十八

詳校官編修臣繆晉

欽定四庫全書薈要卷七千九百八十六

史部

硃批諭旨卷八十八

硃批佛喜奏摺

雍正四年五月十一日四川布政使

臣佛喜謹

  
奏為遵

旨據實密奏事竊臣欽奉

聖主密諭聞羅殷泰操守平常爾到四川留心察訪密  
奏欽此臣欽遵到任之後查川省地丁稅課錢糧共

計三十四萬三千一百四十四兩九錢舊例各屬  
加解耗羨銀共二萬八百七十六兩零又各屬解  
稅規銀二千九百七十六兩以上共羨餘銀二萬  
三千八百五十二兩零內除分解督撫銀九千九  
百九十兩及布政司衙門書役飯食紙筆油炭等  
項銀又二千七百九十六兩零尚存羨餘銀一萬  
一千六十六兩零是不惟足以養廉亦且可以辦  
公矣乃原任布政使羅殷泰仍沿舊習收支用兩



副平盤出入暗為輕重其收銀之平每百兩暗重  
八錢共重收過銀二千一百七十五兩零其放銀  
之平每百兩暗輕八錢共短給過銀四千五百三  
十兩零此即係羅殷泰額外多要之錢也查羅殷  
泰於雍正元年五月到任起至雍正四年正月離  
任止歷年收放錢糧銀數參差不一共計多要銀  
一萬七千六百五十兩零除羅殷泰經手一切未  
清庫項及城工軍需錢糧遵

旨徹底清查據實詳報外理合將現在查出情弊數目  
先行奏

聞至臣到任後收放錢糧仍照舊例彈兌謹將餘剩銀  
兩另行封貯臣不敢自專即行革除以沽名譽仰  
懇

聖主批示遵行謹

奏

羅殷泰所得不止於此再加察訪奏聞至各省錢糧羨

餘之應革應留朕槩不批諭全在爾等秉公執正而行  
還朕一是字而已固不必沾一時名譽俾將來至於難  
措更不可因循陋例置應除者不除總須爾等揆情酌  
理而為之朕既未有真知灼見如何批諭應革應留耶  
勉為之近日如馬哈之負朕殊可詫異世間既有馬哈  
年羹堯輩如此喪心之人朕亦難深信爾等也可愧之  
極

雍正四年八月初六日四川布政使臣佛喜謹

奏為恭繳

硃批事竊

臣

前奏原任布政使羅殷泰一摺奉到

硃批臣捧讀之下感愧汗流伏念

臣

以一介庸愚至微

至陋由部郎隨班引

見蒙我

皇上拔

臣

於衆人之中

特授安徽按察使旋復改授四川布政使

臣

自顧何人

恭膺

異數此臣祖父從

龍以來未遇之

隆恩也臣雖至愚亦具有人心何敢欺罔徇隱上負

君父之恩自棄於

聖明之世川蜀雖遠

天鑒孔昭終難逃我

皇上照臨之下惟有欽遵

皇上勉為之

旨誓毋自欺以報

君父耳所有地方事宜并前司羅殷泰之事除另摺奏聞外所有奉到

硃批理合恭繳謹

奏

覽汝此奏出於真誠朕甚嘉悅果若如此立心自蒙上蒼照察獲福不盡勉之勉之

同日又

奏為奏明司庫錢糧事

臣

於本年七月十五日恭領

硃批諭旨羅殷泰所得不止於此再加察訪奏聞欽此

臣

於到任後查出司平重入輕出之弊已於五月

十一日具摺奏

聞隨將羅殷泰任內經手出入卷宗徹底清查查出羅  
殷泰共擅動庫銀六萬一千六百六十一兩零因  
係擅動庫銀虧空正項錢糧無庸先具摺

奏臣已會同按察使

臣

程如絲陸續會銜詳揭經撫

臣法敏據揭

題叅候

旨審追其城工軍需案內擅動庫銀冒費錢糧現在逐  
細嚴查俟孟以恂石如金到川質訊明白即行詳

揭

題叅再羅殷泰有恣意侵漁之處容俟臣密訪查明

即行奏

聞至臣查出羅殷泰收放錢糧司平重入輕出陋弊暫



將陋弊銀兩封貯今跪讀

硃批聖訓即將積弊平盤銷毀永行革除所有封貯各鎮協營汛併文職俸工輕平銀兩隨即各按原領數目造冊通行找給訖惟地丁項內重平封貯銀兩共計一千四百九十五兩零因各州縣花戶零星勢難分給臣現在條議設法勸諭川民自首開墾內有里民急公自首及盡力開墾者酌計畝數多寡賞給花紅扁額等項以示獎勵臣捐給州縣

置辦令其實力奉行今將地丁重平一項分給州縣以公濟公令其一併作自首及開墾獎賞之用民情易於鼓舞既暫寬其欺隱之罪復先示以獎賞之榮彼効順急公者交相勸勉樂趣恐後於

國賦亦不無少補矣是否有當伏乞

皇上睿鑒施行謹

奏

如果行之有益莫善於此但恐乘一時之興為此沽名

之舉至後日力不能繼而止亦為不妙總在爾實心秉公斟酌為之朕不達外吏之事不便諭是否也

同日又

奏雍正四年六月十九日撫臣法敏遵

旨傳臣暨按察使臣程如絲密看

皇上硃批伊所奏邊情坵形一摺臣跪讀之下仰見我

皇上睿慮周詳無微不至茲坵形號數一事臣會同程

如絲現在確查俟有成見將應行事宜遵

旨詳議具奏所有恭閱

諭旨緣由合先奏

聞伏乞

皇上睿鑒謹

奏

知道了程如絲如肯秉公報効實屬能員倘私心過勝則其險叵測若因少年習氣而有益浪從事之疵猶屬無妨所慮者恃才懷詐耳朕料伊不忍辜負知遇但未

知立意果否如何據實奏聞密之

同日又

奏為奏明事竊照督

臣

岳鍾琪具摺奏

聞行令進剿賊蠻一案署提

臣

潘之善派建昌鎮標兵

六百名提標兵六百名化林黎雅冕山兵丁各一

百名後督

臣

岳鍾琪以所派提標化林黎雅等兵

不便擅發行令撤回而署提

臣

潘之善因建屬各

營兵丁有分防汛地堵截要路之責難以抽撥且

相機進剿之時改調兵丁恐失機宜以仍令駐劄  
咨覆督臣今提臣周瑛亦以所派提標等兵不便  
擅發行令撤回等因各在案臣看得提標等兵前  
調冕山相機進剿其馱載馬匹鞍屨係必需之項  
自應支給購買俟事竣變價還項業經撫臣法敏  
具

題臣動支備辦訖今周瑛具

題行令撤回即應變價還項但提標等營出師冕山

兵丁已將本年秋冬二季餉銀照出師兵丁舊例  
預支以為置辦軍裝之資今撤回之日即令將鞍  
屨等項變價還項是秋冬既無可領之餉銀而勒  
令變價還庫必至拮据臣請將前項銀兩稍寬時  
日俟明年領有春夏餉銀令其陸續還項則庫帑  
仍不虛懸而兵力得以少舒矣倘蒙

俞允臣即申詳督撫具

題伏乞

皇上睿鑒施行謹

奏

所奏甚是周瑛此舉大悞已另有旨矣

同日又

奏為敬陳末議仰祈

睿鑒事竊查川省賊蠻金格等肆行無忌經督臣岳鍾

琪具摺奏

聞行令調集漢土官兵駐劄冕山相機進剿雖事關軍



務機宜不敢越俎妄議但臣身膺地方重任有所知聞敢為我

皇上陳之查建昌鎮臣趙儒於七月初八日差李馬二

把總瞿領二氏土司往梁山調關壽等乃賊蠻竟

留馬把總為質只放李把總兩土司同關壽到冕

山見鎮臣趙儒之後關壽同瞿氏復往梁山以招

金格馬把總方回冕山又於七月二十日瞿氏報

稱金格阿租要來求見但必得一人過河為質鎮

臣准令馬把總前去為質午間金格阿租到冕鎮

臣即傳見訊問據供有箇兇首走在虛浪溝水田

上去還挈不著今往乾縣地方去挈開壽們挈著

兇首也是來的鎮臣即令人記明口供等由臣看

得此案賊蠻皆叔姪兄弟世濟其惡名雖復讐其

實攫利如金格即已死姑姑之堂弟阿租糯咀即

姑姑之子開壽與姑姑係郎舅結黨搶擄皆係罪

魁惡首今以留質馬把總始行出見揆之此心未

必即是歸誠若以出見而遂賞釋既無以服民心

若以誘見而即正法亦無以信蠻人況金格等統領衆蠻抄搶邊民即係為首正犯何必更求兇首今陸續去來必求質而出見藉口別拏兇首不過巧為掩飾探我軍情而已以臣愚見既據金格等往返甚便離彼蠻巢自不甚遠非免脫遠竄者可知何難一鼓而進擒出正犯安其黨羽俾各種番蠻知所畏懼邊境得永遠謐寧

臣受

恩深重故不敢避越職之嫌冒昧以陳伏乞

皇上乾斷施行謹

奏

覽汝所奏足見忠誠朕甚嘉之如此方是岳鍾琪已將  
此事籌畫盡善事畢爾自知也周瑛未審其中詳細機  
宜益浪抽調甚屬差謬已有旨矣

雍正四年十一月二十六日四川布政使

臣佛喜

謹

奏為據實密奏事竊臣欽遵

硃批諭旨看得程如絲辦事實屬才能並未見有恃才

懷詐之處臣常聞程如絲自述原係不想復活之

身荷蒙

皇上鑒察不惟復生且蒙

特授按察使之職有生之年皆我

聖主再造之德但受

恩深重無以仰報等語臣實見其有感激圖報之狀並

非甘於自棄之人至有不無孟浪之處實屬少年

所致近來審理案件

臣

亦喜其虛公詳察此係

臣

所見程如絲之行事立意如此理合據實密

奏伏乞

睿鑒謹

奏

此奏朕欣悅覽之程如絲朕頗賞識其才伊寃得雪在  
蔡珽未到京之先蔡珽並未向朕言其才品朕一見即

加獎許曾詢蔡珽如此人材為何不行薦奏據其回奏  
雖係屬員只經數面未與深談云云而蔡珽乃假朕恩  
以市德自居薦舉之功蔡珽若不負朕便作因伊薦舉  
所致能同心協力奉公盡職亦美事也庸何傷無如蔡  
珽之狂悖負恩今一一敗露程如絲未必不驚疑自恐  
倘露有如此光景汝作已意開示令伊毋恐但言皇上  
從不株連無辜之人爾便係蔡珽所薦若能以天經地  
義分別重輕自蒙皇上照察沉爾實非因蔡珽所薦而

獲知遇復何嫌何疑如此開導之可也

同日又

奏為奏

聞事竊照冕山賊蠻狂悖肆行自取滅亡宜用勦而不

用撫前經

臣摺

奏併業經

題明事理俱不敢瀆陳外今准建昌鎮

臣

趙儒咨稱

普雄地方雖有田穀已被賊蠻收割大半所遺盡



前聞

我兵收割賊田之穀

臣如此則前言謬矣

屬秋糶不堪兵食

查普雄離昆山兩大站隨估

算建昌所屬出陳易新倉糧先經碾運據總理糧

務之建昌道

臣劉應鼎行令委員雇夫背運已儘

覽奏

朕懷深慰

足供支無虞缺乏

臣查兵行糧隨最關緊要仍令

建昌道動軍需銀一萬兩乘此秋成米賤之時即

在附近建昌昆山地方採買米石預備不惟可無

悞兵糧且可節省遠運腳費大兵所到賊蠻授首

則所買米石備而不用於明歲青黃不接之時即

平糴以便民於

辦理甚

好應如是

國帑仍無虧損似屬兵民兩便

臣已冒昧辦理在案

再臣

接提臣

周瑛咨開崑山出師雖非口外然蠻

地險阻倍覺艱難且衝鋒破敵莫非

王事一切軍需均照口外之例支給兵丁咨商督臣裁

酌等因

臣

查官兵進剿深入蠻地原與口外出征

已有

旨矣

無異似應照口外之例支給兵丁但提臣既經咨

商督臣且督臣岳鍾琪已奉

上諭親赴川省駐劄調度凡動支庫項錢糧應聽督臣  
題請支給合併陳明伏乞

皇上睿鑒謹

奏

覽

同日又

奏為欽遵

聖訓敬陳一得仰祈

金  
五  
日  
人  
之  
二  
卷八十八  
睿鑒事竊臣於本年正月二十二日在

圓明園跪聆

聖訓地方內城池橋梁最關緊要或有坍塌毀壞之處  
須設法修理完固欽此臣自本年三月入境見  
川北一帶地方盡無城垣到任後即檄查各屬繪  
圖申送迄今半載以來屢據各屬覆齊有傾頽而  
僅存基址者有荒廢而基址俱無者伏思川省夙  
號巖疆城垣亟宜修理但工費出自民間則小民

不無擾累若動支

國帑興修川省額徵地丁銀止三十餘萬兩兵餉尚  
資協濟亦難以設法變通以臣愚見請援康熙六  
十年兵部遵請

旨事捐納貢監一條於川省各州縣開常平倉事例令各  
州縣秉公收捐按季造冊報部如有勒捐需索等  
弊臣立即詳參但川省雖係產米之地歲無荒歉  
然積貯之計不可不預為籌畫可否約計十分之

二令各州縣買穀貯倉以十分之八作建築城垣  
之費臣飭委廉幹之員確估工料查各屬報捐之  
數約計若干即委員興修按城造冊報銷臣愚蠢  
無知冒昧陳請若蒙

俞允即詳請督撫具

題聽部議覆為此謹

奏

此議似屬妥協可呈詳該督撫商酌為之

雍正五年正月十二日四川布政使臣佛喜謹

奏為奏明事竊查川省關稅鹽茶等項原係藩臬分管但均蒙

皇上畀以重任自當秉公會同徹底清查前同按察使臣程如絲面稟撫臣法敏以暗增明報孰為得當撫臣答云應摺奏請

旨續據撫臣云已經奉

旨明報為是隨即欽遵嚴查確數令各屬據實增報去

後於雍正四年十月據叙永同知杜士秀增報甚少時值撫臣委杜士秀前往烏蒙隨詳委布政司經歷李盤代理清查稅銀嗣據李盤報稱叙永同知額解雜稅鹽稅六百兩有零實可增報贏餘四千兩等情又於四年十一月據夔州府知府喬鐸除前報二萬兩有零外續據添報三千兩隨又令其儘收儘解間於十二月內督臣岳鍾琪到川稟明清查事宜除委迴避之東川府知府周彬代管



夔關外其餘稅口或專委清查或稽察報增總期  
裕課通商至按察司所管鹽茶等項現在陸續詳  
明督撫二臣逐一清查隨收隨解盡歸

公帑再查雍正四年據各屬增報數目除夔關外其  
餘不過數十兩或百十兩不等臣密訪大小稅口

各官儘有情願報解而仍觀望因循者緣從前各  
該管上司不實心清查將贏餘盡作養廉名色逐  
漸花消今一旦據實首報即有從前欺隱之罪勒

追解繳之難以致有瞻顧情弊伏乞

聖主再施格外之仁予以自新之路准照冒濫軍功自首免罪之例

特降諭旨准各關稅口各員卽儘數首報免其從前欺隱追賠則各員毫無顧慮爭先報解而

國賦日增矣如果臣言可採伏乞

皇上特降諭旨施行謹

奏

所奏知道了為夔關一事已另有旨再奏一摺留中

同日又

奏為據實

奏明敬陳管見仰祈

聖鑒事竊督撫提鎮藩臬等官俱係我

皇上特簡之員苟不存私立黨各矢忠貞即俱至親骨肉共處一省亦無妨於

聖明之治然人各異心未必皆一稍有聲援瞻顧未有

以已

防人之論有何實據

不因私而害公

臣愚昧庸才蒙我

皇上拔擢於衆人之中疊加

教訓又

恩許摺奏

臣

仰體

聖心欲臣秉公據實言人所不敢言之事

臣

若稍有畏

勢趨炎瞻顧欺隱

皇上即不加罪而臣捫心亦難自問今將臣心所疑慮

不能釋然者為我

皇上陳之查川省古號巖疆番夷雜處距京遼遠僻踞  
萬山而巡撫提鎮非係督臣岳鍾琪親戚故舊即  
係舊日門下長隨今撫臣馬會伯乃督臣妹夫之  
親叔川北鎮臣馬紀勲係撫臣之姪建昌鎮臣趙  
儒係督臣父親岳昇龍之長隨而趙儒之弟趙黑  
子現為督臣之長隨稱為堂官即阻撓大金川不  
造送宗圖冊結之小金川湯鵬亦係督臣家人張  
姓之義子至副叅遊守非係親舊即係同鄉不可

勝數各擁重兵分佈鎮協雖

皇上神聖文武伊等安敢異心但以年羹堯之受

恩深重尚敢種種欺妄是防微杜漸不可不慎臣思安

不忘危不能不深為疑慮者也以臣愚昧之見似

應斟酌調開以分其勢而後可臣為地方重大起

見故敢冒昧據實奏

聞伏乞

皇上睿鑒施行謹

奏

覽汝此奏汝必有不妥協處畏岳鍾琪叅奏故以先入之言聳朕聽聞為預防之計汝所舉數人朕皆悉知內中無一人因岳鍾琪保薦而用者朕秉性不畏人只畏天年羹堯因深負朕恩擅作威福開賄賂之門奔競之路因種種敗露不得已執法以為人臣負恩罔上者戒非為其權重勢大疑懼而處治也岳鍾琪如果踵而行之何能逃朕之照察汝此等挾私誣人之密奏更冀朕以

忠誠謂汝似汝不知朕為何如主之輩徒自陷耳此奏  
姦險甚屬可惡慎之

雍正六年閏三月初八日四川布政使臣佛喜謹

奏為遵

旨覆奏事竊臣前奏修理川省城垣敬陳管見一摺奉  
到

硃批遵即詳請督撫具

題俱未奉准行臣查修建川省坍塌城垣在歷任各



官皆視為不急之務殊不知欲圖久安長治之道  
城郭實為地方之保障今詳議修建固非旦夕即  
可奏功但因循不實力料理似非所以保固地方  
仰體

皇上政無不舉之

聖心督撫雖不准具

題而城垣理宜修建實於邊地有益謹將原詳督撫  
詳文備繕恭呈

御覽伏乞

皇上睿鑒施行謹

奏

此原非甚急之務在岳鍾琪目今所處地步若以修理城垣為急務恐招無知小人之謗議也宜諒其情但城垣一事不止四川一省當修直省皆然為此條奏者亦多候朕徐徐次第籌畫自另有措置

同日又

奏為恭謝

天恩併繳

硃批事竊臣進摺家人恭齋

皇上硃批臣摺併

欽賜御書福字到川臣恭迎進署望

闕叩頭祇領伏念臣一介庸愚識淺才鈍地方應行事

宜深愧未能奏效所有摺

奏事件屢蒙

聖主硃批獎賞臣已

榮逾格外今復蒙

恩賜福字臣何人斯得邀

聖眷至此惟是

聖恩愈重報稱愈難臣惟有矢勤矢慎一切據實直陳

以冀無負

皇上擢用之隆恩得長蒙

聖世太平之景福仰報

高厚於萬一耳為此繕摺奏

謝併繳奉到

硃批奏摺謹

奏

受福易享福難福之一字非真實公忠內省無疚之人  
鮮克有終也勉之

同日又

奏為備陳昆山兵勢仰祈

聖鑒事竊查去年十二月督臣岳鍾琪抵川時據建昌

鎮臣趙儒報解拏獲關壽金格阿租到省共快擒

獲元兇餘黨不難懾服今臣陸續據建昌越雋鹽

井寧番各廳衛報稱賊蠻持刀放箭搶刦楊貴季

瑞廷張玉國等一夜連刦數家民不安枕又據報

稱押運兵糧赴行營離大營一箭遠忽然羣賊突

出砍傷跟役併綁擄百姓搶掠牛馬猪隻等情夫

現今大兵雲集賊蠻尚毫無畏懼任意搶擄倘撤

兵之後則邊境生民其能安枕乎至拏獲關壽等  
實緣潘武舉圖功設計將白鹿衆屯百姓併一家  
人口保伊不死作當哄出叛蠻關壽等被擒雖兵  
行詭道貴乎不測但大兵進勦此區區賊蠻而用  
我

皇上百姓作當誘哄非特不足以示兵威而且非所以  
崇

國體亦何怪大兵在前而賊蠻夥黨仍然膽玩搶擄

如故也臣訪聞既確不敢瞻徇除詳請督臣批示

料理外理合據實奏

聞謹

奏

此事爾所見淺矣新平番夷禽獸之類冥頑何能驟改  
經大兵勦後難免無一二逃竄兇徒急求衣食以救飢  
寒即內地盜賊亦時有之事岳鍾琪自然次第料理爾  
無庸過慮



同日又

奏為遵

旨覆奏事

臣蒙

皇上硃批諭旨問程如絲立意若何欽此

臣前據實密

奏復蒙

皇上硃批令

臣開示

臣遵

旨於二月十五日遇辦公無人之時詢問程如絲你得  
做臬司是誰保薦的程如絲云從前我得雪冤得

臬司出自

皇上特恩人皆不知道我於引

見時已曉得今日問及此語想你疑我是蔡府丞保舉  
的麼臣云是又何妨隨將

皇上不株連無辜之人你便係蔡珽所薦若能以天經  
地義分別重輕自蒙

皇上照察況你實非因蔡珽所薦而獲知遇復何嫌何  
從前惜伊之念皆悞也  
疑之

諭旨作臣之意一一開示訖理合繕摺覆

奏伏乞

睿鑒謹

奏

不料程如絲竟如此負朕真小人曷克負荷寵遇況造  
無窮之孽為鬼神所不容自必天奪其魄安望能保令  
終耶

硃批諭旨卷八十八